



17 d'october 2013

Disposiziun nr. 383

DISPOSIZIUN DA L'UFFIZI

Relasch da las directivas davart la midada dal gimnasi inferior al stgalim secundar I da la scola populara

En las directivas qua avant maun vegn reglada la midada dal gimnasi inferior al stgalim secundar I da la scola populara. Ellas remplazzan las directivas vertentas dal departament d'educaziun, cultura e protecziun da l'ambient dals 14 da favrer 2012 concernent la midada dal gimnasi inferior al stgalim superior da la scola populara. Las disposiziuns vegnan adattadas a la nova legislaziun da scola.

L'uffizi per la scola populara ed il sport dispona:

1. Las directivas davart la midada dal gimnasi inferior al stgalim secundar I da la scola populara vegnan relaschadas. Suentar che questas directivas èn vegnidas relaschadas, pon ellas er vegnir chargiadas giu da la pagina d'internet da l'uffizi per la scola populara ed il sport.
2. Communicaziun a: autoritads da scola e direcziuns da scola da las scolas popularas en il chantun Grischun; associaziun dals cussegls da scola dal Grischun, dunna Gabriela Aschwanden, presidenta, Via Calanda 23, 7013 Domat; federaziun Magistraglia Grischun, signur Fabio Cantoni, president, Erikaweg 6, 7000 Cuir; federaziun da mainascolas dal Grischun, signur Eugen Huber, president, Mülistrasse 12, 7076 Parpan; controlla chantunala da finanzas; uffizi per la furmaziun professiunala; uffizi per la furmaziun media-superiura; finanzas & controlling dal DECA; uffizi per la scola populara ed il sport; departament d'educaziun, cultura e protecziun da l'ambient.

UFFIZI PER LA SCOLA
POPULARA ED IL SPORT

Dany Bazzell, manader da l'uffizi



Directivas davart la midada dal gimnasi inferior al stgalim secundar I da la scola populara

relaschadas da l'uffizi per la scola populara ed il sport ils 17 d'october 2013

Art. 1

Tgi che mida dal gimnasi inferior al stgalim secundar I da la scola populara, mida adina a la scola secundara.

Princip

Art. 2

Midadas dal gimnasi inferior al stgalim secundar I da la scola populara durant l'onn da scola han per regla lieu ils suandants termins: vacanzas d'atun, vacanzas da Nadal, fin da l'emprim semester (attestat da semester), vacanzas da sport.

Termins per ina midada durant l'onn da scola

Art. 3

¹ Tgi che mida avant il 1. da favrer da la 1. classa dal gimnasi inferior, mida a la 1. classa secundara, e per la promoziun a la fin da l'onn da scola èn decisivas las prestaziuns cuntanschidas a la scola secundara.

Midada da la 1. classa dal gimnasi inferior durant l'onn da scola

² Ina midada da la 1. classa dal gimnasi inferior suenter il 1. da favrer durant l'onn da scola dependa dals resultats da las prestaziuns cuntanschidas en ils roms linguas chantunals, matematica, englais ed instrucziun da la natira. Sche las prestaziuns èn insuffizientas en pli che trais dals roms menziunads, èsi per regla da far quint cun ina nunpromoziun a la fin da l'onn da scola. Ultra da la cumpetenza da la materia è decisiv in giudicament complessiv tras la persuna d'instrucziun da classa da la scola admettent il mument che la decisiun da promoziun vegn prendida.

Art. 4

¹ En cas d'ina nunpromoziun a la fin da la 1. classa dal gimnasi inferior ha lieu ina midada a la scola secundara tenor l'artitgel 24 alinea 2 da l'ordinaziun davart la procedura d'admissiun a las scolas medias dals 2 da settember 2008.

Midada da la 1. classa dal gimnasi inferior pervia d'ina nunpromoziun

² Tgi che sto midar a la fin da la 1. classa dal gimnasi inferior pervia d'ina nunpromoziun, mida provisoricamain a la 2. classa secundara, premiss che betg pli che trais notas en ils roms linguas chantunals, matematica, englais ed instrucziun da la natira na sajan insuffizientas. A la fin da l'emprim semester vegni decidì definitivamain, sche la scolara u il scolar po restar en la 2. classa secundara u sch'ella u el sto eventualmain midar per il segund semester a la 1. classa secundara. Ina midada a la 1. classa secundara po avair lieu gia en il decurs da l'emprim semester, sche tant las persunas d'instrucziun sco er las persunas cun la pussanza dals geniturs èn perencletgas.

³ Tgi che sto midar a la fin da la 1. classa dal gimnasi inferiur pervia d'ina nunpromozion cun pli che trais notas insufficientas en ils roms menziunads, mida a la 1. classa secundara.

Art. 5

¹ Tgi che mida avant il 1. da favrer da la 2. classa dal gimnasi inferiur, mida a la 2. classa secundara, e per la promoziun a la fin da l'onn da scola èn decisivas las prestaziuns cuntanschidas a la scola secundara.

Midada da la 2. classa dal gimnasi inferiur durant l'onn da scola

² Ina midada da la 2. classa dal gimnasi inferiur sunter il 1. da favrer durant l'onn da scola dependa dals resultats da las prestaziuns cuntanschidas en ils roms linguas chantunals, matematica, englais ed instrucziun da la natira. Sche las prestaziuns èn insufficientas en pli che trais dals roms menziunads, èsi per regla da far quint cun ina nunpromozion a la fin da l'onn da scola. Ultra da la cumpetenzza da la materia è decisiv in giudicament cumplessiv tras la persuna d'instrucziun da classa da la scola admettent il mument che la decisiun da promoziun vegn prendida.

Art. 6

¹ En cas d'ina nunpromozion a la fin da la 2. classa dal gimnasi inferiur poi vegnir midà a la scola secundara empè da repeter questa classa.

Midada da la 2. classa dal gimnasi inferiur pervia d'ina nunpromozion

² Tgi che sto midar a la fin da la 2. classa dal gimnasi inferiur pervia d'ina nunpromozion, mida provisoricamain a la 3. classa secundara, premess che betg pli che trais notas en ils roms linguas chantunals, matematica, englais ed instrucziun da la natira na sajan insufficientas. A la fin da l'emprim semester vegni decidì definitivamain, sche la scolara u il scolar po restar en la 3. classa secundara u sch'ella u el sto eventualmain midar per il segund semester a la 2. classa secundara. Ina midada a la 2. classa secundara po avair lieu gia en il decurs da l'emprim semester, sche tant las persunas d'instrucziun sco er las persunas cun la pussanza dals geniturs èn perencletgas.

³ Tgi che sto midar a la fin da la 2. classa dal gimnasi inferiur pervia d'ina nunpromozion cun pli che trais notas insufficientas en ils roms menziunads, mida a la 2. classa secundara.

Art. 7

Questas directivas entran en vigur retroactivamain per il 1. d'avust 2013.

Entrada en vigur